

Илини сапуты илогатхун қияўк, икиҳсийьқылуку. Икиҳтат. Кийыми эгун нукувгакук. Пеқақа ыглыгусильты: «Аваўхлығы саюты». Атутат, аваўхпынан лыыган саюн қаҳамаўк. Атугақнамики Аяам атутыт, игни сикмигақак. Амалты ынқақа алегвини нуна, ынлықнапихлығые.

Микагамалуку атусимаки анин Ависым неникутының. Ын-кам анлеми атусияўхсималге. Таўгатылңугның апальул или атутна: «алехлығыахпут саютми ынлықнақ, ысхамасисики аңқат, ыта аңқакусегульута, қуяльта...»

Тагавык пеқаңа: пигутқан Тагъек, ақуна лықа польасиягьюгнанимаўна. Таухкын Тулукам пимаңа, икаюгақыўқылуки анлинхат, натын игнықа Яковын сама ыглыгусильтыкақыкит олымит польасильтыңита, апыхтусахқак.

Ысималуку ўика Тагъек сивукуль атусиянка ыльңанун атугақанка, таўхкын илисақапук польасильтынун.

Пане Мемыльнеун пекук, микагатыкыльтың никугогақылгит атулғеның анаминың, атаминың. Ынкам анама таўатын кулигамсусимаңа, сали микагапимало атугьяўхсимаўна, ан-лугни регаль саюгьяухсимаўна. Ынкам авакутет Ааянкук Тагъекльу лықа ынлықналғеның аглуқанумалгит. Акахпигақ миңкыльтыңумауқ, уюгахпигақ Валентина тухкагақун санальтыңулуни, Яковын польасильтыт ыглыгусильтыкақат. Ыльтуги Вика қахальтыңулуни «Эргыроными», амта тухкагақун алнагохтыңулуни илисималге.

Аяам кулигамсукума, натын қатнумалге Ленинградмун ысхагьяхтуғлуку ыльтугани, тагани мулұльтың ысималуки. Ын-кам тыкитңами атусимауқ. Апытақақа Аая, натын-ам, самың умыюгарахсималге қаҳамалуни ысхапагвени Москвам. Пеқаңа: «Алехсумақа натын питутағми ынлықналге нунавут, ют таман-лығыт, пиниқыпихсақа нунақа, тамың атусеқылгеңа».

Ынлықнатупик на Ааянкук Эмутыльу саюгақыкик саюты атылык «Қитарагақ» (евражка) атутыкыки тана Улосем, саюси-